

խօս հայերի կանանց հագուստից զանազանուում ու տարբերուում է ամեն բանով: Ուտիացոց աշխարհի Հայ կանայք, իրենց գլխին փաթաթում են հասարակ լաթեր, որ ձուածև կերպարանք է ստանում և որը կոչուում է դինգիայ: Գինգեայի վերևից մինչև ականջները շարան-շարան կախում են արծաթէ դրամներ, որ թէ մանգալիս և թէ գլխով հաւանական կամ բացասական նշան տալիս (ըստորում կանայք բարձր խօսելու իրաւունքից իսպառ զուրկ են Ուտիացոց աշխարհում) զնգզնգալի ձայներ լսուեն: Դինգեայի վերևի արծաթէ շարան-շարան դրամների վերևից ծածկում են մետաքսէ գոյնզգոյն մի մեծ թաշկինակ, որի կէսը փուում է կնոջ ուսերից մինչև գօտին, ողնաշարի ուղղութեամբ, իսկ միւս կէսը իջնում է երեսի և դէմքի վրայով մինչև ներքին ծնօտի կզակը, գլխի աջ ու ձախ և յետևի կողմից էլ՝ արծաթի շղթաների ծայրին յարմարեցրած տափակ և կեռ կարթերով (չանգալ) ամրացնում են գլխի բոլոր զարդարանքները, որպէս զի ճակատի արծաթէ աջ ու ձախ կողմը շարուած շարանները լինէին իրենց տեղում ամուր և պինդ: Գլխի աջ ու ձախ կողմից, ականջների վերևից դէպի ներքև, մէկ թիզ կամ թիզուկէս երկարութեամբ և չորս մատի լայնութեամբ, հասարակ չորի վրայ կարուած դրամներով կախում են՝ այսպէս ասած, արհեստական ականջներ: Ականջներ, որոնք յետ ու առաջ են օրօրւում, կնոջ շարժուելու և կամ արագ-արագ մանգալու ժամանակ և աններդաշնակ զնգզնգոցի ձայներ են հանում: Իսկ մանկա-